

Na osnovu člana 16. stav (1) i člana 17. stav (2) Zakona o Vladi Hercegovačko – neretvanskog kantona („Službene novine HNK“, broj: 3/07, 5/09) i člana 28. stav (6) Zakona o koncesijama Hercegovačko – neretvanskog kantona („Službene novine HNK“, broj: 1/13), Vlada Hercegovačko – neretvanskog kantona je na 81. sjednici, održanoj 12.03.2015. godine, donijela:

ODLUKU

O DODJELI KONCESIJE ZA EKSPLOATACIJU MINERALNE SIROVINE DOLOMITA NA LOKALITETU „PODORAŠAC“ - OPĆINA KONJIC

I

Vlada Hercegovačko - neretvanskog kantona kao Koncesor, dodjeljuje koncesiju za eksploataciju mineralne sirovine dolomita na lokalitetu „Podorašac“- Općina Konjic, Koncesionaru privrednom društvu „AGI“ d.o.o. Konjic.

II

Eksploatacija mineralne sirovine dolomita će se obavljati na području Općine Konjic, na lokalitetu „Podorašac“, unutar koordinata:

TAČKA	Y	X
A	6 498 830	4 838 621
B	6 498 774	4 838 731
C	6 498 651	4 838 832
D	6 498 800	4 838 911
E	6 499 124	4 838 871
F	6 499 145	4 838 820
G	6 499 037	4 838 621

površine 10,13 ha, na k.č. broj 684, 669/1, 683/2, 692/1, 687/1, 1553/7 i 1553/11 k.o. Podorašac.

Koncesionaru se dodjeljuje koncesija za eksploataciju mineralne sirovine dolomita, u ukupnoj količini 360.000,00 m³.

III

- (1) Koncesija se dodjeljuje na period od 30 (trideset) godina.
- (2) Početkom korištenja koncesije smatrat će se dan konačnosti odobrenja za izvođenje radova koje glasi na ime Koncesionara privredno društvo „AGI“ d.o.o. Konjic.
- (3) Koncesija prestaje istekom trideset godina od dana početka korištenja koncesije.

IV

- (1) Prava i obaveze Koncesora i Koncesionara precizirat će se ugovorom o koncesiji koji će, uz prethodnu saglasnost Vlade i pribavljeno mišljenje Kantonalnog javnog pravobranilaštva, u ime Koncesora s Koncesionarom potpisati ministar privrede HNK.
- (2) Krajnji rok za potpisivanje ugovora iz stava (1) ovog člana je 30 dana od dana konačnosti ove Odluke.

(3) Eventualne izmjene i dopune ugovora o koncesiji, te raskid ugovora o koncesiji ukoliko za to nastanu zakonski uslovi, vrši se na isti način i postupak kao kod zaključenja ugovora.

V

(1) Jednokratna koncesiona naknada iznosi 90.000,00 KM (slovima: devedesethiljada konvertibilnih maraka).

(2) Tekuća (godišnja) koncesiona naknada iznosi 0,40 KM/m³ (slovima: četrdeset pfeninga).

(3) Ugovorom o koncesiji propisat će se način i rokovi plaćanja koncesionih naknada iz stava (1) i (2) ovog člana, i to u skladu sa odredbama Odluke o načinu utvrđivanja, načinu i rokovima plaćanja koncesione naknade za eksploataciju mineralnih sirovina na području Hercegovačko - neretvanskog kantona („Službene novine HNK”, broj: 2/14).

(4) Sredstvo obezbjeđenja za izvršavanje obaveza plaćanja koncesionih naknada iz stava (1) i (2) ovog člana, je безусловna bankarska garancija za svaku vrstu naknade posebno, i to u vrijednosti iznosa ovih naknada, a ugovorom o koncesiji pobliže će se propisati ova obaveza Koncesionara, kao i rokovi za dostavu ovih garancija, te posljedice neizvršavanja obaveze plaćanja ovih naknada.

VI

Koncesiona djelatnost obavljat će se na način i pod uslovima propisanim Zakonom o rudarstvu Hercegovačko - neretvanskog kantona (“Službene novine HNK”, broj: 7/11, 9/12), Zakonom o koncesijama Hercegovačko - neretvanskog kantona („Službene novine HNK”, broj: 1/13) i ostalim propisima koji regulišu oblast eksploatacije mineralnih sirovina.

Zakonski propisi i standardi koji regulišu pitanja zaštite okoline, prostornog planiranja, vodoprivrede i zaštite na radu, su također obavezujući za koncesionara.

VII

Ugovorom o koncesiji obavezno će se propisati i slijedeće obaveze:

- a) da se Koncesionar obavezuje podnijeti zahtjev za izdavanje odobrenja za izvođenje radova po rudarskom projektu na ime Koncesionara privredno društvo „AGI“ d.o.o. Konjic nadležnom organu u roku od 30 dana od dana zaključenja ugovora o koncesiji;
- b) da se Koncesionar obavezuje prije početka korištenja koncesije, na svoj trošak i na svoj rizik, ishodovati sve dozvole/saglasnosti koje su propisane posebnim zakonima koji regulišu oblast zaštite okoline, vodoprivrede, šumarstva i prostornog planiranja, ukoliko postoje zakonske obaveze i uslovi za to ishodovanje;
- c) da se Koncesionar obavezuje da će pri izvođenju rudarskih radova preduzeti mjere potrebne za zaštitu na radu, za zaštitu života i zdravlja građana kao i obezbjeđenja imovine, te da će prema glavnom rudarskom projektu izvršiti sanaciju zemljišta i rekultivaciju devastiranih površina nastalih usljed rudarskih radova, kao i provesti mjere obezbjeđenja kako bi se trajno isključile opasnosti po život i zdravlje ljudi i imovine i mogući uzročnici zagađenja okoline, odnosno štete na objektima i okolini;
- d) da će se ugovor o koncesiji raskinuti pod uslovima predviđenim Zakonom o koncesijama, kao i ako koncesionar tri godine za redom iskopa na godišnjem nivou manje od 70% količine sirovine utvrđene planom eksploatacije za tu godinu;
- e) da je za nadzor nad ostvarenjem koncesije nadležno Ministarstvo privrede HNK, ili lice koje Ministar privrede HNK ovlasti, kao i Ministarstvo finansija HNK za nadzor nad ispunjenjem finansijskih obaveza;

- f) da se dodijeljena koncesija može prenijeti na drugo pravno lice u skladu sa Zakonom o koncesijama.

VIII

Nezadovoljni učesnik postupka za dodjelu koncesije može, u roku od 15 dana od dana objavljivanja ove Odluke, Vladi Hercegovačko - neretvanskog kantona podnijeti zahtjev za preispitivanje Odluke u skladu sa članom 29. Zakona o koncesijama Hercegovačko - neretvanskog kantona.

IX

Odluka stupa na snagu danom njene konačnosti, a objavit će se u „Službenim novinama Hercegovačko – neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
V L A D A

P R E D S J E D N I K

Broj: 01-1-02-363/15
Mostar, 12.3.2015. godine

Denis Lasić